

摛藻堂四庫全書薈要

集部

欽定四庫全書叢要

集部

御定全唐詩卷八十八至九十二

欽定四庫全書會要卷一萬七千四百九十三 集部

御定全唐詩卷八十八

張說

扈從幸韋嗣立山莊應制

并序

嵐氣入野榛煙出谷魚潭竹岸松齋藥畹虹泉電  
射雲木虛吟恍惚疑夢間關忘術茲所謂丘壑夔  
龍衣冠巢許也

寒灰飛玉琯湯井駐金輿既得方明相還尋大隗居懸

泉珠貫下列帳錦屏舒騎遠林逾密笳繁谷自虛門旗

塹複磴殿幕裏

一作  
裏

通渠舞鳳迎公主雕龍賦

一作  
起

婕

妤地幽天賞洽酒樂御筵初菲才叨侍從連藻媿應徐

先一日太平公主上官昭容題

詩數首故詩有舞鳳雕龍之句

奉和聖製喜雪應制

聖德與天同封巒欲報功詔書期日下靈感應時通觸  
石雲呈瑞含花雪告豐積如沙照月散似麵從風舞集  
仙臺上歌流帝樂中遙知百神喜灑路待行宮

奉和聖製寒食作應制

寒食春過半花穠鳥復嬌從來禁火日會接清明朝鬪  
敵雞殊勝爭逐馬絕調晴空數雲點香樹百風搖改木  
迎新燧封田表舊燒皇情愛嘉節傳曲一作宴與簫韶

奉和聖製賜崔日知往潞州應制

聖情留一作垂襄鎮佳氣翊興王增戟雄都府高車轉太

常川橫八練澗山帶五龍長連帥初恩命天人舊紀綱  
錢塗飛御藻闔境自生光明主徵循吏何年下鳳凰

春晚侍宴麗正殿探得開字

聖政惟稽古賓門引上才坊因購書立殿為集賢開冕  
彥星辰下仙章日月回字如龍負出韻是鳳銜來庭柳  
餘春駐宮鶯早夏催喜承芸閣宴幸奉栢梁杯

奉和聖製花萼樓下宴應制

萬心翹樂宴三舍緩昌時山接夏雲險臺留春日遲節  
移芳未歇興隔賞仍追醉後傳嘉惠樓前舞聖慈皇恩  
與時合天意若人期故發前旬雨新垂湛露詩

奉和聖製渡蒲關應制

蒲坂橫臨晉華芝曉望秦關城雄地險橋隔扼天津樓  
映行宮日隄含宮樹春黃雲隨寶鼎紫氣逐真人東詠  
唐虞跡西觀周漢塵山河非國寶明主愛忠臣

奉和聖製途經華嶽應制

西嶽鎮皇京中峯入太清玉鑾重嶺應綰綺薄雲迎霧  
日懸高掌寒空類削成軒遊會神處漢幸望仙情舊廟  
青林古新碑綠字生羣臣願封岱還駕勒鴻名

奉和聖製過王濬墓應制

牛斗三分國龍驤一統年智高寧受制風急肯迴船有  
策擒吳懿無言讓范宣援孤因勢屈功重為讒偏舊迹  
灰塵散枯墳故老傳百代逢明主何辭死道邊

奉和聖製經河上公廟應制

河上無名老知非漢代人先探道德要留待聖明辰立  
妙為天下清虛用谷神化將和氣一風與太初鄰靈廟  
觀遺像仙歌入至真皇心齊萬物何處不同塵

奉和聖製幸鳳湯泉應制

周狩聞岐禮秦都辨雍名獻禽天子孝存老聖皇情溫潤宜冬幸遊畋樂歲成湯雲出水殿暖氣入山營坎意無私潔乾心稱物平帝歌流樂府溪谷也增榮

恩賜樂遊園宴

漢苑佳遊地軒庭近侍臣共持榮幸日來賞鰲陽春饌玉頌王篚擬金下帝釣池臺草色徧宮觀柳條新花綬光連榻朱顏暢飲醇聖朝多樂事天意每隨人

三月二十日 一作三詔 一作  
月三日 詔承恩 宴樂遊園賦得風

字

樂遊形勝地

一作絕

表裏望郊宮北闕連天

一作雲

頂南山

對掌中皇恩

一作情

貸芳月旬宴美成功魚戲芙蓉水鶯

啼楊柳風春光看欲暮天澤戀無窮長袖招斜日留光

待曲終

赴集賢院學士上賜宴應制得輝字

侍帝金華講千齡道固稀位

一作任

將賢士設書共學徒

歸首命深燕隗通經淺漢韋列筵榮賜食送客愧儒衣  
賀燕窺簷下遼鶯入殿飛欲知朝野慶文教日光輝

端午三殿侍宴應制探得魚字

小暑夏弦應徽音

一作微陰

商管初願齋

一作齋

長命縷來續

大恩餘三殿

褰珠箔羣官上玉除

助陽嘗麥覩順節進

龜魚甘露垂天酒

一作芝

花盤捧御書合丹同

蝘蜓灰骨

共蟾蜍今日傷蛇意銜珠遂闋如

奉和聖製春中興慶宮酺宴應制

千齡逢啓聖萬域共來威慶接郊禋後酺承農事稀御  
樓橫廣路天樂下重闈鸞鳳調歌曲虹霓動舞衣合聲  
雲上聚連步月中歸物覩恩無外神和道入微鎬京陪  
樂飲柏殿奉文飛徒竭秋雲影何資春日暉

奉和聖製千秋節宴應制

五德生王者千齡啓聖人赤光來照夜黃雲上覆晨海  
縣銜恩久朝章獻舞一作奇新高居帝座出來道衆官陳  
槊杖洗清景磬管凝秋旻珠囊含瑞露金鏡抱仙輪何

歲無鄉飲何田不報神薰歌與名節傳代幸羣臣

奉和聖製太行山中言志應制

六龍鳴玉鑾九折步雲端河絡南浮近山經北上難羽  
儀映松雪戈甲帶春寒百谷晨笳動千巖曉仗攢皇心  
感韶節敷藻念人安既立省方館復建禮神壇扈蹕參  
天老承榮忝夏官長勤百年意思見一勝殘

奉和御製與宋璟源乾曜同日上官命宴東堂

賜詩應制

大塊鎔羣品經生偶聖時猥承三事命虛忝百寮師右

揆謀華碩

一作寶

前星傳重資連騫求舊禮濫典

一作玷

樂賢

詩賜金同榮拜擬金宴宰司菊花吹御酒蘭葉捧天詞  
寶歷休明盛頽年晷漏衰少留青史筆未敢赤松期  
奉和聖製暇日與兄弟同遊興慶宮作應制

漢武橫汾日周王宴镐年何如造區夏復此陸親賢巢  
鳳新成閣飛龍舊蹕泉棣華歌尚在桐葉戲仍傳禁籞  
氣埃隔平臺景物連聖慈良有裕王道固無偏問俗兆

人阜觀風五教宣獻圖開益地張樂奏鈞天侍酒一作酌

衢樽滿詢芻諫鼓懸永言形友愛萬國共周旋

奉和聖製送王晙巡邊應制

六月歌周雅三邊遣

一作諭

夏卿欲施攻戰法先作簡稽

行禮樂知謀帥春秋識用兵一勞堪定國萬里即長城

策有和戎利威傳破虜名軍前雨灑道樓上月臨營別

藻瑤華降同衣錦祿榮關山由義近戎馬

一作甲

為恩輕

絲竹路傍散風雲馬上生朝廷謂吉甫邦國望君平

將赴朔方軍應制

禮樂遜明主韜鈴用老臣恭憑神武策遠御一作靜鬼方

人供帳榮恩錢山川喜詔巡天文日月麗朝賦管絃新  
効志傳三略衰材謝六鈞膽由忠作伴一作屏心固一作故

道為鄰漢保河南地胡清塞北塵連年大軍後不日小  
康辰劍舞輕離別歌酣忘苦辛從來思博望許國不謀

身

奉和聖製爰因巡省途次舊居應制

恭鬱興王郡殷憂啓聖圖周成會西土漢武幸南都歲  
卜鑿輿邁農祠鴈政敷武威稜外域文教靡中區警蹕  
千戈捧朝宗萬玉趨舊藩人事革新化國容殊璧有真  
龍畫庭餘鳴鳳梧叢觴祝堯壽合鼎獻湯厨陽樂寒初  
變春恩蟄更蘇三者頒命服五稔復田輸君賦大風起  
人歌湛露濡從臣觀玉葉方願紀靈符

宿直溫泉宮羽林獻詩

冬狩美秦正新豐樂漢行星陳立武閣月對羽林營寒

木羅霜仗空山響夜更恩深

一作承

靈液暖節勁

一作古

松貞文武皆王事輸心不為名

玄武門侍射

并序

開元之初季冬其望天子始御北闕朝羽林軍禮  
修事厥後二日乃命紫微黃門九卿六事與熊羆  
之將爪牙之臣合宴焉侑以純錦頌以珍器爾其  
射堋新成布侯既設槊仗林立帷軒霧布衆官半  
醉皇情載悅卷珠箔臨玉除唐弓在手夏箭斯發

應弦命

一作展

中屬羽連飛弧矢以來未之有也若

夫天地合道星辰獻儀端視和容內正外直自近  
而制遠耀威而觀德無不通神無不極用是射也  
其惟聖人乎于時繁雲覆城大雪飛苑天人同澤  
上下文歡退食懷恩賦詩頌義凡若干篇

射觀通玄闕兵欄闢御筵雕弧月半上畫的暉重圓羿  
后神幽贊靈王法暗傳貫心精四返飲羽妙三聯雪鶴  
來銜箭星麟下集弦一逢軍宴洽萬慶武功宣

扈從南出雀鼠谷

豫動三靈贊時巡四海威陝一作狹關凌曙出平路半春  
歸霍鎮迎雲罕汾河送羽旂山南柳半密谷北草全稀  
遲日宜華蓋和風入袞一作影衣上林千里近應見百花  
飛

洛橋北亭詔餞諸刺史

離亭拂御溝別曲舞船樓詔餞朝廷牧符分海縣憂股  
肱還入郡父母更臨州扇逐仁風轉車隨霖一作靈雨流

恩光水上溢榮色柳間淳預待羣方最三公不遠求

東都酺宴

堯舜傳天下同心致太平吾君內舉聖遠合至公情錫  
命承丕業崇親享大名二天資廣運兩曜益齊明道暢  
昆蟲樂恩深朽蠹榮皇輿久西幸留鎮在東京合宴千  
官入分曹百戲呈樂來嫌景遽酒著訏寒輕喜氣連雲  
閣歡呼動洛城人間知幾代今日見河清

奉酬韋祭酒嗣立偶遊龍門北溪忽懷驪山別

業呈諸留守之作

一本無  
上七字

石澗泉虛落松崖路曲迴聞君北溪下想像南山隈近  
念鼎湖別遙思雲嶂陪不同奇觀往空覩斯文來歲後  
寒初變春前芳未開黃蕤媚岸柳紫萼一作荅折邨梅盡

室茲遊玩盈門幾樂哉嗟留洛陽陌夢詣建章臺野失  
巢由性朝非元凱才布懷欽遠迹幽意日塵埃

奉酬韋祭酒自湯還都經龍門北溪莊見貽之

作

聞君湯井至瀟灑憇郊林拂曙攜清賞披雲覲一作觀  
綠

岑歡言遊覽意欵曲望歸心是日期佳客同山忽異尋

桃花迂

一作綠

路轉楊柳間門深泛舟伊水漲繫馬香樹

陰繁弦弄水族嬌吹狎沙禽春滿汀色媚景斜嵐氣侵  
懷仁殊未遠重德匪專臨來藻敷幽思連詞報所欽

酬崔光祿冬日述懷贈答并序

太極殿衆君子分司洛城自春涉秋日有遊討既  
而韋公出守茲樂便廢頃因公讌方接詠言崔光

祿述志論文首貽雅唱諸公嘉德叙事咸有報章  
若夫盛時榮位華景勝會此四者古難一遇而我  
輩比實兼之至于精言探道妙識發義戲謔而逢  
規戒指諷而見師表益過三友豈易得乎謂膏澤  
傍潤芝蘭久襲韋公近之矣以文會友以友輔仁  
崔公近之矣其餘尋聲響答望形影赴故亦浚碧  
池之漣漪增瑤林之沃若是用綴集勒成一卷永  
存几閣之玩無忘歡好之時焉

徐陳嘗並作枚馬亦同時各負當朝譽俱承明主私夫  
君邁前侶觀國騁奇姿山似鳴威鳳泉如出寶龜才雄  
子雲筆學廣仲舒帷紫綬拂三寺朱門臨九達昔我含  
香日聯爾縉雲司朝攜蘭省步夕退竹林期中路一分  
手數載來何遲求友還相得羣英復在茲留臺少人務  
方駕遞尋追涉玩懷同賞霑芳憶共持迎賓南澗飲載  
妓東城嬉春郊綠訛秀秋澗白雲滋名畫披人物良書  
討滯疑興來光不惜歡往迹如遺歲晏罷行樂層城間

所思夜魂燈處厭朝髮鏡前衰忽枉崔駰什兼流韋孟  
詞曲高彌寡和王善代為師齊戒觀華玉留連歎色絲  
終慙起予者何足與言詩

同劉給事城南宴集

水竹幽閑地簷纓近侍臣雍容乘暇日瀟灑出器塵樹  
對恩朋鳥池深入養鱗管絃高逐一作吹歌舞妙含春  
老子叨專席歡邀隔縉紳此中情不淺遙寄賞心人

溫泉馮劉二監客舍觀妓

溫谷寒林薄

一作暮

羣遊樂事多佳人蹀駿馬乘月夜相

遇秀色然紅黛嬌香發綺羅鏡前鸞對舞琴裏鳳傳歌  
妬寵傾新意銜恩奈老何為君留上客歡笑斂雙蛾

寄許八

萬類春皆樂徂顏獨不怡年來人更老花發意先衰乳  
鵲穿壇畫巢蜂觸網絲平生美容色宿昔影中疑遠道  
何由夢同心在者誰西風欲誰語閼默遂無詞

送蘇合宮頰

都邑羣方首商泉舊俗訛變風須愷悌成化佇絃歌疇  
昔珪璋友雍容文雅多振纓遊省闈鏘玉宇京河別曲  
驚初下行軒雉尚過百壺非餞意流詠在人和

送喬安邑備

書閣移年歲文明難復辭歡言冬雪滿恨別夏雲滋外  
尹方為政高明自不欺老人驂馭往童子狎雞嬉日茂  
西河俗寂寥東觀期遙懷秀才令京洛見新詩

送趙二尚書彥昭北伐

虜地河水合邊城備此時兵連紫塞路將舉白雲司提

劖榮中貴

一作賞

銜珠盛出師日華光

一作鮮

組練風色焰

一作豔

旌旗投筆尊前起橫戈馬上辭梅花吹別引楊柳

賦歸詩

石門別楊六欽望

燕人同竄越萬里自相哀影響無期會江山此地來暮  
年傷泛梗累日慰寒灰潮水東南落浮雲西北回俱看  
石門遠倚棹兩悲

一作哉

南中送北使二首

傳聞合浦葉曾向洛陽飛  
何日南風至還隨北使歸  
紅顏渡嶺歇白首對秋衰  
高歌何由見層臺一作臺不可違  
誰憐炎海曲淚盡血沾衣

待罪居重譯窮愁暮雨秋  
山臨鬼門路城繞瘴江流人  
事今如此生涯尚可求  
蓬君入鄉縣傳我念京周別恨  
歸一作經途遠離言暮景道夷歌翻下淚蘆酒未消愁聞  
有胡兵急深懷漢國羞和親先是詐款塞更為讐言釋繫

應分爵蠲徒幾復侯廉頤誠未老孫叔且無謀若道馮  
唐事皇恩尚可収

送趙順直

一作頭真

郎中赴安西副大都督

一作護

絕鎮功難立懸軍命匪輕復承遷

一作還

相後彌重任賢

情將起神仙地才稱禮樂英長心堪繫虜短語足論兵

日授休門法星教置陣名龍泉恩已著

一作署

燕領相終

成月窟窮天遠河源入塞清老夫操別翰承旨頌升平

送宋休遠之蜀任

求友殊損益行道異窮申綴我平生氣吐贈薄遊人結  
恩事明主忍愛遠辭親色麗成都俗膏腴蜀水濱如何  
從宦子堅白共緇磷日月千齡旦河山萬族春懷鉛書  
瑞府橫草事邊塵不及安人吏能令王化淳

岳州別梁六入朝

遠蒞長沙渚欣逢賈誼才江山疲應接風日復晴開江  
樹雲間斷湘山水上來近洲朝鷺集古戍夜猿哀岸杼  
含蒼拔河蒲秀紫臺月餘偏地賞心盡故人杯自我違

京洛嗟君此泝洄容華因別老交舊與年頽夢見長安

陌朝宗實盛哉

相州冬日早衙

城外宵鐘斂閨中曙火殘朝光曜庭雪宿凍聚池寒正  
色臨廳事疑詞定筆端除苛固圖息伐枳吏人寬河內  
功猶淺淮陽疾未安鏡中星髮變頓使世情闐

岳州西城

水國何遼曠風波遂極天西江三紀一作汜合南浦二湖

連危堞臨清境煩憂暫豁然九圍觀掌內萬象閱眸前

日去長沙渚

一作浦

山橫雲夢田汀葭變秋色津樹入寒

烟潛穴探靈詭浮生揖聖仙至今人不見跡滅事空傳

岳州觀競渡

畫作飛鳬艇雙雙競拂流低一作俄裝山色變急棹水華

浮土尚三間俗江傳二女遊齊歌迎孟姥獨舞送陽侯

鼓發南湖溠一作汊標爭西驛樓並驅常誼速非畏日光

道

對酒行巴陵作

留侯封萬戶園令壽千金本為成王業初由賦上林繁  
榮安足恃霜露遞相尋鳥哭楚山外猿啼湘水陰夢中  
城闕近天畔海雲深空對忘憂酌離憂不去心

岳州宴姚紹之并序

姚司馬往在柏臺每欽骨鯁及茲荒服偶得官聯  
復有令弟美眉芬芳襲予山寺外廬幽深形勝童

冠是集歡言賦詩

杞梓滯江濱光華向日新難兄金作友婿子玉為人山  
水含秋興池亭借善鄰簷松風送靜院竹鳥來馴翠岸  
吹黃菊玳盤鱠紫鱗緩歌將醉舞為拂繡衣塵

岳州九日宴道觀西閣

搖落長年歎蹉跎遠宦心北風嘶代馬南浦宿陽禽佳  
此黃花酌酣餘白首吟涼雲霾楚望濛雨蔽荆岑登眺  
思清景誰將眷濁陰釣歌出江霧樵唱入山林魚以嘉  
名采木為美材侵大道由中悟逍遙匪外尋參佐多君

子詞華妙賞音留題一作洞庭觀望古意何深

海留

岳州作

水國生秋草離居再及瓜  
山川臨洞穴風日望長沙  
物土南州異關河北信賒  
日昏聞怪鳥地熱見修蛇  
遠人夢歸路瘦馬嘶去家  
正有江潭月徘徊戀九華

遊洞庭湖

平湖曉望分仙嶠氣氤氳  
鼓枻乘清渚尋峯弄白雲  
江寒天一色日靜水重紋  
樹坐參猿嘯沙行入鷺羣  
緣源

班篠密胄徑綠蘿紛洞穴傳虛應楓一作遠林覺自熏雙

童有靈藥願取獻明君

巴丘春作

日出洞庭水春山挂斷霞江涔相映發卉木共紛華湘  
戌南浮濶荆關北望賒湖陰窺魍魎丘勢辨巴蛇島戶  
巢為館漁人艇作家自憐心問景三歲客長沙

岳州夜坐

炎洲苦三伏永日臥孤城賴此閑庭夜蕭條夜月明獨

歌還太息幽感見餘聲江近鶴時叫山深猿屢鳴息心  
觀有欲棄知返無名五十知天命吾其達此生

別澠湖

念別澠湖去浮舟更一臨千峯出浪險萬木抱煙深南  
郡延恩渥東山戀宿心露花香欲醉時鳥囀餘音涉趣  
皆留賞無奇不偏尋莫言山水間幽意在鳴琴

伯奴邊見歸田賦因投趙侍御

爾家歎窮鳥

窮鳥出趙壹賦故曰爾家

吾族賦歸田

用張衡

莫道榮枯異

同嗟世網牽黃陵浮汨渚青草會湘川去國逾三歲茲  
山老二年寒鶴鳴舍下昏虎臥籬前客淚堪斑竹離亭  
欲贈荃放言久無次觸興感成篇

清遠江峽山寺

流落經荒外道遙此梵宮雲峯吐月白

一作日

石壁淡烟

紅虹一作寶塔靈仙湧懸龕造化功

一作工

天香涵竹氣虛

唄引松風簷牖飛花入廊房激水通猿鳴知谷靜魚戲

辨見一作江空靜默將何貴惟應心境同

春雨早雷

東北春風至飄飄帶雨來拂黃先變柳點素早驚梅樹  
謁懸書閣煙寒作賦臺河魚未上凍江蟻已聞雷美人  
宵夢著金屏曙不開無緣一啓齒空酌萬年杯

聞雨

窮冬萬花匝永夜百憂攢危戍臨江火空齋入雨寒斷  
猿知屢別嘶鴈覺虛彈心對爐灰死顏隨庭樹殘舊恩  
懷未報傾膽鏡中看

赦歸在道中作

陳焦心息盡死意不期生何幸光華旦流人歸上京愁  
將網共解服與代俱明復是三階正還逢四海平誰能  
定禮樂為國著功成

喜度嶺

東漢興唐厯南河復禹謀寧知瘴癘地生入帝皇州雷  
雨蘇蟲蟄春陽放鶩鳩洞沿炎海畔登降閩山陬嶺路  
分中夏川源得上流見花便獨笑看草即忘憂自始居

重譯天星

一作已

再周鄉闌絕歸望親戚不相求棄杖

心

枯還植窮鱗涸更浮道消黃鶴去運啓白駒留江妾晨  
炊黍津童夜櫂舟盛明良可遇莫後洛城遊

御定全唐詩卷八十八

欽定四庫全書薈要卷一萬七千四百九十四

御定全唐詩卷八十九

張說

奉和聖製潼關口號應制

天德平無外  
關門東復西  
不將千里隔  
何用一丸泥

奉蕭令嵩酒并詩

已下三首俱  
賜宴東堂作

樂奏天恩滿杯來秋興高更蒙蕭相國對席飲醇醪

奉宇文黃門融酒

聖德垂甘露天章下大風又乘黃閣賞願作黑頭公

奉裴中書光庭酒

西掖恩華降南宮命席闌詎知雞樹後更接鳳池歡

清夜酌

秋陰士多感雨息夜無塵清樽宜明月復有平生人

醉中作

醉後樂無極

一作無窮樂  
又作方知樂

彌彌

一作勝

未醉時動容皆是

舞出語總成詩

送梁知微渡海東

今日此相送明年此相待天上客星回知君渡東海

寄劉道士鴉

真人降紫氣邀我丹田宮遠寄雙飛鴉飛飛不礙空

書一作答香能和尚塔

大師捐世去空餘法力在遠寄無礙香心隨到南海

被使在蜀

即今三伏盡尚自在臨邛歸途千里外秋月定相逢

正朝摘梅

蜀地寒猶暖正朝發早梅偏驚萬里客已復一一作半年

來

蜀道後期

客心爭日月來往豫期程秋風不相待先至洛陽城

廣州江中作

去國年

一作歲

方晏愁心轉

一作獨

不堪離人與

一作共

江水

終日向西南

江中誦經

實相歸懸解虛心暗在通澄江明月內應是色成空

江中遇黃領子劉隆

危石江中起孤雲嶺上還相逢皆得意何處是鄉關

欽州守歲

故歲今宵盡新年明日來愁心隨斗柄東北望春回

岳州守歲二首

夜風吹醉舞庭戶對酣歌愁逐前年少歡迎今歲多

桃枝堪辟惡爆竹好驚眠歌舞留今夕猶言惜舊年

元朝

一本題作  
幽州元日

今歲元日

一作元  
日今歲

樂不謝往

二作  
去

年春知向來心道誰

爲昨夜人

耗磨日飲二首

耗磨傳茲日縱橫道未宜但令不忌醉翻是樂無為

上月今朝減流傳耗磨辰還將不事事同醉俗中人

又

一本此首同前

第一首為二首

春來半月度俗忌一時閑不酌他鄉酒惟堪對楚山

九日進茱萸山詩五首

家居洛陽下舉目見嵩山刻作茱萸節情生造化間

黃花宜泛酒青嶽好登高稽首明廷內心為天下勞

菊酒攜山客萸囊繫牧童路疑隨大隗心似問鴻蒙

九日重陽數三秋萬實成時來謁軒后一作石罷去坐蓬

瀛

晚節歡重九高山上五千醉中知遇聖夢裏見尋仙

岳州看黃葉

白首看黃葉祖顏復幾何空慙棠樹下不見

一作未有

政成

歌

嶺南送使二首

獄中生白髮嶺外罷紅顏古來相送處凡得幾人還  
萬里投荒裔來時不見親一朝成白首看取報家人

傷妓人董氏四首

董氏嬌嬈性多為窈窕名人隨秋月落韻入擣衣聲

粉黛粘妝麗金花竭翠條夜臺無戲伴魂影向誰嬌

舊亭紅粉閣宿處白雲關春日雙飛去秋風獨不還

舞席沾殘粉歌梁委舊塵獨傷窗裏月不見帳中人

### 三月閨怨

三月時將盡空房妾獨居蛾眉愁自結鬢髮沒情梳

### 破陳樂詞二首

樂苑曰商調曲也唐太宗所造

明皇又作小破陳樂亦舞曲也

漢兵出頓金微照日光明鐵衣百里火燔燔千行雲  
騎霏霏蹙踏遼河自竭鼓譟燕山可飛正屬四方朝賀

端知萬舞皇威

少年膽氣凌雲共許驍雄出羣匹  
馬城西挑戰單刀薦北從軍一鼓鮮卑送款五餌單于解紛誓欲成名報國  
羞將開閣論勲

舞馬詞六首

萬玉朝宗鳳辰千金率領龍媒眄鼓凝騎躞蹀聽歌弄

影徘徊

聖代昇

平樂

天鹿遙徵衛叔日龍上借羲和將共兩驥爭舞來隨八

駿齊歌

聖代昇  
平樂

綵旄八佾成行時龍五色因方屈膝銜杯赴節傾心獻

壽無疆

四海和  
平樂

帝阜龍駒沛父星蘭驥子權奇騰倚驤洋洋應節繁騎接  
迹不移

四海和  
平樂

二聖先天合德羣靈率土可封繫石驂驥紫燕擬金顧

步蒼龍

四海和  
平樂

聖君出震應籟神馬浮河獻圖足踏天庭鼓舞心將帝

樂躊躇

平海和  
樂

奉和三日祓禊渭濱應制

青郊上已豔陽年紫禁皇遊祓渭川幸得歡娛承湛露  
心同草樹樂春天

桃花園馬上應制

林間豔色驕天馬苑裏穠華

一作  
枚

伴麗人願逐南風飛

帝席年年含笑舞青春

奉和聖製幸韋嗣立山莊應制

西京上相出扶陽東郊別業好池塘自非仁智符天賞  
安能日月共回光

奉和聖製同玉真公主遊大哥山池題石壁

池如明鏡月華開山學香爐雲氣來神藻飛為鵠鵠賦  
仙聲颺出鳳皇臺

十五日夜御前口號踏歌詞二首

花萼樓前雨露新長安城裏太平人龍銜火樹千重

一作

燈焰雞踏一作蓮花萬歲

一作

春

上樹

帝宮三五戲春臺行雨流風莫妬來西域燈輪千影合

東華金闕萬重開

蘇摩遮五首

摩遮本出海西胡琉璃寶服紫髯鬚聞道皇恩遍一作環

宇宙來將歌舞助歡娛

億歲樂

繡裝帕

一作拍

額寶花冠夷歌騎

一作妓

舞借人看自能激

水成陰氣不慮今年寒不寒

億歲樂

臘月凝陰積帝臺豪

一作齊

歌急鼓送寒來油囊取得天

河水將添上壽萬年杯

憶歲樂

寒氣宜人最可憐故將寒水散庭前惟願聖君無限壽

長取新年續舊年

憶歲樂

昭成皇后帝

一作之

家親榮樂諸人不比倫往日霜前花

委地今年雪後樹逢春

憶歲樂

三月三日定昆池奉和蕭令得潭字韻

暮春三月日重三春水桃花滿禊潭廣樂逶迤天上下

仙舟搖衍鏡中酣

和尹從事泛洞庭

平湖一望上

一作水望

連天林景平尋下洞泉忽驚水上光

華滿疑是乘舟到日邊

送梁六自洞庭山作

巴陵一望洞庭秋日見孤峰水上浮聞道神仙不可接  
心隨湖水共悠悠

同趙侍御望歸舟

山庭迥迥面長川江樹重重極遠煙形影相追

一作隨高

翥鳥心腸併斷北風

一作

船

飛

襄陽路逢寒食

去年寒食洞庭波今年寒食襄陽路不辭著處尋山水  
祇畏還家落春暮

附  
詠方圓動靜示李泌

詳見  
泌集

方如棋局圓如棋子動如棋生靜如棋死

御定全唐詩卷八十九

欽定四庫全書  
欽定全唐詩卷九十五

集部

御定全唐詩卷九十五

張均

張均說長子開元中歷官大理卿受祿山僞命為中書  
令肅宗立免死長流合浦集二十卷今存詩七首

和尹急登南樓

客來已兩春更瞻韶光早花鳥旣環合江山復駢抱樓  
形寫北潭堞勢凌青島白雲謝歸鴈馳懷洛陽道

江上逢春

離憂耿未和春慮忽蹉跎擇木猿知去尋泥燕獨過驚  
花飄霽日垂柳拂煙波激意屢怡賞無如鄉念何

九日巴丘登高

一作父

說詩誤

客心驚暮序賓鴈下滄洲共賞重陽節言尋戲馬遊湖  
風扶戍柳江雨暗山樓且酌東籬酒聊祛南國憂

和尹懋秋夜遊澠湖二首

遠水沈西日寒沙聚夜鷗平湖乘月滿飛棹接星流黃

葉鳴淒吹蒼葭掃暗洲願移滄浦賞歸待潁川遊

灣潭幽意深杳靄涌寒岑石痕秋水落嵐氣夕陽沈澄  
徹天為底淵玄月作心青溪非大隱歸弄白雲尋

岳陽晚景

一作父說詩

晚景寒鷗集秋風旅鴈歸水光浮日出霞彩暎江飛洲  
白蘆花吐園紅柿葉稀長沙卑濕地九月未成衣

流合浦嶺外作

瘴江西去火為山炎徼南窮鬼作關從此更投人境外

生涯應在有無間

張垍

張垍說次子尚寧親公主拜駙馬都尉許於禁中置內宅侍為文章坐事出為盧溪司馬入為太常卿祿山亂受偽相命死賊中詩一首

奉和岳州山城

一作張均詩

郡館臨清賞開

一作閒

扁坐白雲訟虛棠戶曙觀靜竹簷

醺懸榻迎賓下趨庭學禮聞風傳琴上意遙向日華紛



御定全唐詩卷九十

欽定四庫全書  
欽定全唐詩卷九十一

集部

御定全唐詩卷九十一

韋嗣立

韋嗣立字延構鄭州人第進士則天時拜鳳閣侍郎同  
鳳閣鸞臺平章事神龍中為修文館大學士與兄承慶  
代相嘗於驪山構別業中宗臨幸令從官賦詩自為製  
序因封為道遙公睿宗時拜中書令開元中謫岳州別  
駕遷辰州刺史卒詩八首

偶遊龍門北溪忽懷驪山別業因以言志示弟

淑奉呈諸大僚

幽谷杜陵邊風煙別幾年偶來伊水曲溪嶂覺一作各

然傍浦憐芳樹木

一作

尋崖愛綠泉嶺雲隨馬足山鳥向

人前地合心俱靜言因理自玄短才叨重寄戶祿愧妨

賢每挹桂冠侶思從初服旋稻梁仍欲報歲月坐空捐

助岳無纖瑰輸溟謝末涓還悟北轍失方求南澗田

奉和九日幸臨渭亭登高應制得深字

層觀遠沈沈鸞旗九日臨帷

一作行

宮壓水岸步輦入煙

岑枝上萸新採樽中菊始斟願陪歡樂事長與歲時深

奉和張岳州王潭州別詩二首

并序

予昔忝省閣與岳州張使君說潭州王都督熊同  
官聯事後承朝譴各自東西張公與王都督別詩  
二首情頗殷切余覽以嘆因遙申和云

茂先王佐才作牧楚江隈登樓正欲賦復遇仲宣來黃  
鵠飛將遠雕龍文為開寧知昔聯事聽曲有餘哀

昔時陪二賢。纓冕會神仙。一去馳江海。相逢共播遷。無  
因千里駕。忽覩四愁篇。覽諷歡何已。歡終徒愴然。

奉和初春幸太平公主南莊應制

主第巖扃架鵲橋。天門闔闔降鸞轡。歷亂旌旗轉雲樹。  
參差臺榭入煙霄。林間花雜平陽舞。谷裏鶯和弄玉簫。  
已陪沁水追歡日。行奉茅山訪道朝。

自湯還都經龍門北溪贈張左丞崔禮部崔光

僕自湯還都經龍門北溪莊宿張左丞崔禮部崔  
光祿竝枉垂光顧數公宿敦道義雅尚林壑謂急  
於幽尋故此命駕遂不知別有勝賞偶然相遇寒  
暄未周神意已往雲霞之致蔑而不存逸轡放驅  
清塵徒企耿歎不已而贈是詩

栖閑有愚谷好事枉朝軒樹接前驅擁巖傳後騎喧褰  
簾出野院植杖候柴門旣拂林下席仍攜池上樽深期  
契幽賞實謂展歡言未眷誠未易佳遊時更敦餓看嘯

儔侶各已共飛騖  
延睇盡朝日長懷通夜魂空聞岸竹動徒見浦花繁多愧春鶯曲相求意獨存

酬崔光祿冬日述懷贈答并序

光祿崔卿公懷通識濟時良具材器耽圖籍愛林泉不遺琴詠門多長者善與人交僕忝臺閣早經聯事雖幸揖風采而不接殷勤崔公以雅道自居未嘗至偃之室及僕積抱羸疾屢期放退朝廷恩假職以優閑多取急歸林服餌為事門堪羅崔庭

見狎鷗崔公則多存訪不避風雨方知向時迹也  
今晨情也蘭菊春秋自芳竹柏歲寒無變僕敬之  
重之故不能忘也嘗談及詞翰頗申掎摭忽枉贈  
章因以投報云爾

亭伯負高名羽儀稱上京魏珠能燭乘秦璧許連城六  
月飛將遠三冬學已精洛陽推賈誼江夏貴黃瓊推演  
中都術旋參河尹聲累遷登御府移拜踐名卿庭聚歌  
鍾麗門羅棨戟榮鸚杯飛廣席獸火列前楹散誕林園

意殷勤敬愛情無容抱衰疾良宴每招迎契得心逾重  
言忘道益真相勗忠義節共談詞賦英雕蟲曾靡棄白  
鳳已先鳴光接神愈駭音來味不成短歌甘自思鴻藻  
彌難清東里方希潤西河敢竊明厚誣空見迫喪德豈  
無誠端守宮闈地寒煙朝暮平顧才無術淺懷器識憂  
盈月下對雲闕風前聞夜更昌年雖共偶歡會此難并  
為憐漳浦曲沈痼有劉楨

上巳日祓禊渭濱應制

乘春祓禊逐風光扈蹕陪鑾渭渚傍還笑當時水濱老

衰年八十待文王

魏奉古

魏奉古制舉擢第授雍丘尉強記一覽便諷人稱為聰  
明尉終兵部侍郎詩一首

奉酬韋祭酒偶遊龍門北谿忽懷驪山別業因  
以言志示弟淑奉呈諸大僚之作

有美朝為貴幽尋地自偏踐臨伊水汭想望灞池邊是

遇皆新賞茲遊若舊年藤蘿隱路接楊柳御溝聯道悵

神情王機忘俗理捐遂初誠已重兼濟實為賢跡是東

山戀心惟一作仍北闕懸顧慙經拾紫多謝賦思玄未驪

躡一作中林步空承麗一作上

藻傳陽春和已寡扣寂竟徒

然

紀事云龍門北溪韋嗣立山居在焉諸公賦詩奉古時豫酬唱之末張說序往韋贈答詩云二公述志論

文首貽雅唱其餘尋聲響答望形影赴故亦峻碧池之連漪增瑤林之沃若益奉古之徒是也

崔日知

崔日知字子駿日用從父兄也有吏幹景雲中為洛州

司馬以討譙王重福功累遷京兆尹為御史李如璧所  
劾左遷歙縣丞後為太常卿自以歷任年久每朝士參  
集常與尚書同列時人號為尚書裏行詩二首

奉酬韋祭酒偶遊龍門北谿忽懷驪山別業因  
以言志示弟淑并呈諸大僚之作

夙齡秉微尚中年忽有鄰以茲山水癖遂得狎一作通

人迨我咸一作南京道聞君別一作北業新巖前窺石鏡河

畔踏芳茵既憐伊浦綠復憶灞池春連詞謝家子同歡

冀野賓趣閑魚共樂情洽鳥來馴詎

一作誰念昔遊者祇

命獨留秦蕭條穎陽戀冲漠漢陰真無由陪勝躅空此

翫書筠

冬日述懷奉呈韋祭酒張左丞蘭臺名賢

弱齡好經籍披卷即怡然覃精四十載馳騁數千言孔

壁採遺篆

一作帙

周韋考絕編袁公論劖術孫子叙兵篇

魯史君臣道姬書日月懸從師改炎燠負笈遍山川上

異西河夏中非北海玄光榮拾青紫名價接通賢既重

萬鍾樂寧思二頃田長戰同分虎高冠亞

一作五

附蟬晚

懷重虛曠養志息雕鐫登高慚思拙近物謝情妍不慕

張平子寧希

一作思

王仲宣誰謂登龍日翻成刻鵠年循

循勞善誘軋軋思微牽琢磨才既竭鑽仰德彌堅朽木  
誠為諭捫心徒自憐終期吞鳥夢振翼上雲煙賦成先  
擲地詞高直掞天更執樞衣禮仍開函丈筵霧披槐市  
謁水靜璧池圓願遂從風葉飛舞翰林前

崔泰之

崔泰之鄆陵人以職方郎中豫誅二張開元中官工部

尚書詩三首

奉酬韋嗣立祭酒偶遊龍門北谿忽懷驪山別業因以言志示弟淑奉呈諸大僚之作

關塞臨伊水驪山枕灞川俱臨隱路側同在帝城邊謝公兼出處攜妓翫林泉鳴騎噴梅雪飛蓋曳松煙聞琴幽谷裏看奕古巖前落日低幃帳歸雲繞管弦叨榮慚北闕微尚愛東田寂莫灰心盡蕭條塵事捐朝思登嘶

絕後夢弄潺湲宿懷南澗意況覩北谿

一作巖

篇

同光祿弟冬日述懷

并序

韋祭酒張左丞二公竝廊廟偉才朝廷舊相咸光  
首和殊為佳作輒繼陽春深增愧悚

韋祭酒嗣立  
張左丞說光

祿日知也

吾族白眉良才華動洛陽觀光初入仕應宿始為郎飛  
螢鼯書籍白鳳吐文章海卿逾往雅河尹冠前張擇才  
綏鄖郢殊化被江湘高樓臨廣陌甲第敞通莊列館邸

山下疏亭洛水傍昌年賞豐陌暇日悅林塘衣冠皆秀

彥

一作  
茂

羅綺盡名倡隔岸聞歌度臨池見舞行門庭寒

變色祭戰日

一作  
自

生光窮陰方鑿鍼殺氣正蒼茫感時興

盛作晚歲共多傷積德韋丞相通神張子房吟草徧簪

紱逸韻合宮商功名守留省濫迹在文昌家園遙可見

臺寺近相望無庸乘侍謁有暇共翶翔棣華依鴈序竹

葉拂鸞觴水坐憐秋月山行弄晚芳恩華慙服冕友愛

勗垂堂無由報天德相顧詠時康

紀事云泰之時以禮  
部居洛故與嗣立說

日知數

有酬唱

奉和聖製送張尚書巡邊

南庭胡運盡北斗將星飛旗鼓臨沙漠旌旄

一作旗  
出

洛畿關山遙玉塞烽火映金微屢獻帷謀策頻承廟勝

威蹠蹀臨河騎逶迤度隴旂地脉平千古天聲振九圍  
車馬生邊氣戈鋌駐落暉夏近蓬猶轉秋深草木

一作未

腓餞送紓天什恩榮賜御衣佇勒燕然頌鳴騶計日歸

魏知古

魏知古深州人性方直有才名弱冠舉進士長安中歷  
鳳閣舍人神龍初擢吏部侍郎睿宗即位以藩邸故吏  
召拜黃門侍郎遷散騎常侍同平章事開元初改紫微  
令終工部尚書所薦洹水令呂太一蒲州司功叅軍齊  
澣內率騎曹叅軍柳澤密尉宋遙左補闕袁暉右補闕  
封希顏伊闕尉陳希烈皆為聞人宋璟嘗稱曰叔向古  
之遺直子產古之遺愛能兼之者其在魏公集七卷今

存詩五首

春夜寓直鳳閣懷羣公

一本題上有和中書侍郎楊再思八字

拜門傳漏晚寓直索居時昔重安仁賦今稱伯玉詩鶯  
池滿不溢雞樹久逾滋夙夜懷山甫清風詠所思

伯玉齊下

伯玉也有赴中書郎詩云大方信包含優渥遂不已濯鱗龍鳳池揮翰紫宸裏

奉和春日途中喜雨應詔

皇輿

一作遊

向洛城時雨應天行麗日登巖送陰雲出野

迎濯枝林杏發潤葉渚蒲生絲入綸言喜花依錦字明  
徵臣忝東觀載筆佇西成

從獵渭川獻詩

舊唐書本傳云先天元年冬上  
於渭川知古獻詩以諷手詔

褒之曰予頃向溫泉觀省風俗時因暇景掩渭  
而畋方開一面之羅式展三驅之禮躬親校獵  
聊以前禽豈意卿有箴規輔余不逮今賜物五十段用申勸獎

嘗聞夏太康五弟訓禽荒我後來冬狩三驅盛禮張順  
時鷹隼擊講事武功揚奔走未及去翶飛豈暇翔非熊  
從渭水瑞翟想陳倉此欲誠難縱茲遊不可常子雲陳  
羽獵僖伯諫漁棠得失鑒齊楚仁思念禹湯雍熙亮在  
宥亭毒匪多傷辛甲今為史虞箴遂孔彰

玄元觀尋李先生不遇

羽客今何在空尋伊洛間忽聞歸苦縣復想入函關未  
作千年別猶應七日還神仙不可見寂莫返蓬山

御定全唐詩卷九十一

欽定四庫全書叢要卷一萬七千四百九十七

集  
者

御定全唐詩卷九十二

李义

李文，字尚真，趙州房子人。年十二，工屬文，第進士，茂才異等，調萬年尉。長安中，擢監察御史，遷中書舍人，修文館學士。睿宗朝，進吏部侍郎，改黃門侍郎，封中山郡公。開元初，轉紫微侍郎。未幾，除刑部尚書。卒，年六十八。居官沉正方雅，識治體，時稱有宰相器。與兄尚一、尚貞俱。

以文章見稱有李氏花草集又與蘇頤對掌綸誥明皇  
比之味道與嶠並稱蘇李今編詩一卷

招諭有懷贈同行人

一作李義府詩

遠遊冒艱阻深入勞存諭春去辭國門秋還在邊戍軒  
車行未返節序催難駐陌上悲轉蓬園中想芳樹蜀山  
自紛糾岷水恒奔注臨泛多苦懷登攀寡歡趣永夕飛  
淫雨崇朝蒸毒霧不求綏嶺桃寧美邛鄉蒟臼浪行欲  
靜馳馬何嘗驅唐韻區遇切願接輶旆塵聯翩東北驚

春日侍宴芙蓉園應制

水殿臨丹籞山樓繞翠微昔遊人託乘今幸帝垂衣澗  
篠緣峰合巖花逗浦飛朝來江曲地一作朝迴無處不

光輝

奉和登驪山高頂寓目應制

崖巘萬尋懸居高敞御筵行戈疑駐日步輦若登天城  
闕霧中近闊河雲外連謬陪登岱駕欣奉濟汾篇

奉和七夕兩儀殿會宴應制

桂宮明月夜蘭殿起秋風雲漢彌年阻星筵此夕同倏  
來疑有處旋去已成空睿作鈞天響魂飛在夢中

奉和春日遊苑喜雨應詔

仙蹕九成臺香筵萬壽杯一旬初降雨二月早聞雷葉  
向朝霽一作躋密花含宿潤開幸承天澤豫一作遍無使日

光催

奉和人日清暉閣宴羣臣遇雪應制

上日登樓賞中天御輦飛後庭聯舞唱前席仰恩輝睿

作風雲起農祥雨雪霏幸陪人勝節長願奉垂衣

陪幸臨渭亭遇雪應制

青陽御紫微白雪下彤闈泮壤流天霑綿區灑帝輝水  
如銀度燭雲似玉披衣為得因風起還來就日飛

奉和九日侍宴應制得濃字

望幸紆千乘登高自九重臺疑臨戲馬殿似接疏龍捧  
篋萸香遍稱觴菊氣濃更看仙鶴舞來此慶時雍

送沙門弘景道俊玄裝還荊州應制

初日承歸旨秋風起贈言漢珠留道味江璧返真源地  
出南闕遠天迴北斗尊寧知一柱觀却啓四禪門

奉和九月九日登慈恩寺浮圖應制

湧塔臨玄地高層瞰紫微鳴鑾陪帝出攀橑翊天飛慶  
洽重陽壽文含列象輝小臣叨載筆欣此一作頌巍巍

閏九月九日幸總持寺登浮圖

清蹕幸禪樓前驅歷御溝還疑九日豫更想六年遊聖  
藻輝纓絡仙花綴冕旒所欣延億載寧祇慶重秋

侍宴長寧公主東莊應制

紫禁乘宵

一作雷

動青門訪水嬉貴遊鱸序集

一作上台  
鱸序慶

仙女鳳樓期合宴簪紳滿承恩雨露滋北辰還捧日東

館幸逢時

辛白鹿觀應制

制蹕乘驪阜迴輿指鳳京南山四皓謁西嶽兩童迎雲  
幄臨懸圃霞杯薦赤城神明近茲

一作福

地何必往蓬瀛

次蘇州

洛諸問吳潮吳門想洛橋夕煙楊柳岸春水木蘭橈城邑南樓近星辰北斗遙無因生羽翼輕舉托還飈

寄胡皓時在南中

徭役苦流滯風波限泝洄江流通地骨山道繞天台有鳥圖南去無人見北來閉門滄海曲雲霧待君開

餞許州宋司馬赴任

展驥旌時傑談雞美代賢暫離仙掖務追送近郊筵地慘金商節人康璧假田從來昆友事咸以佩刀傳

錢唐州高使君赴任

淮源之水清可以濯君纓彼美稱才傑親人佇政聲歲  
寒疇裏意春晚別離情終歎臨歧遠行看擁傳榮

哭僕射鄂公楊再思

端揆一作揆席凝邦績台階闡國猷方崇大廈棟忽逝巨川  
舟白日銘安在清風頌獨留死生恩命畢零落掩山丘

故趙王屬贈黃門侍郎上官公挽詞

暮歸泉壤隔朝發城池戀漢時結愁陰秦陵下悲霰駿

駿百駟馳憫憫羣龍餞石馬徒自施玉人終不見

淮陽公主挽歌

玉顏生漢者湯沐榮天女金縷化卽塵

一本作第二句

哀榮感

路人鳳凰曾作伴蝶蟻忽為親疇日成蹊處穠華不復

春

故西臺侍郎上官公挽歌

寓內文儒重朝端禮命優立言多啓沃論道盛謀猷顧  
日琴安在衝星劒不留徒懷東武遂更掩北原丘

高安公主挽歌二首

湯沐三千賦樓臺十二重銀鑪稱貴幸一作子玉輦盛過

逢嬪則留中饋娥輝沒下春平陽百歲後歌舞為誰容

賓衛儼相依橫門啓曙扉暉一作靈陰蟾兔缺仙影鳳凰

飛一水秋難渡三泉夜不歸况臨青女節瑤草更前哀

衰一作

奉和初春幸太平公主南莊應制

平陽館外有仙家沁水園中好物華地出東郊迴日御

城臨南斗度雲車風泉韻繞幽林竹雨霰光搖雜樹花  
已慶時來千億壽還言日暮九重賒

興慶池侍宴應制

神池泛溢水盈科仙蹕紓徐步輦過縱棹洄沿萍溜合  
開軒眺賞麥風和潭魚在藻供遊詠一作欣谷鳥含櫻

遊泳

谷鳥含櫻

入賦歌寄語乘槎溟海客回頭來此問天河

侍宴安樂公主山莊應制

金輿玉輦背三條水閣山樓望九霄野外初迷七聖道

河邊忽覩二靈橋懸冰滴滴依虬箭清吹泠泠雜鳳簫

回一作向晚平陽歌舞合前溪更轉木蘭橈

奉和春日幸望春宮應制

東城結宇敞

一作瞰

千尋北闕迴輿具四臨麗日祥煙承

早翠輕荑弱草藉衣簪秦商重沓雲巖近河渭紫紆霧  
壑深謬接鵠鴻陪賞樂還欣魚鳥遂飛沉

人日重宴大明宮恩賜綵縷人勝應制

詰旦行春上苑中憑高却下大明宮千年執象寰瀛泰

七日為人慶賞隆鐵鳳曾騫搖瑞雪銅鳥細轉入祥風  
此時朝野歡無算此歲雲天樂未窮

享龍池樂第八章

星分邑里四人居水游源流萬頃餘魏國君王稱象處  
晉家蕃邸化龍初青蒲藪似一作遊梁馬綠藻還疑一作  
似騁宴鑄魚自有神靈滋液地年年雲物史官書

奉和幸禮部尚書竇希玠宅應制一作陪幸  
五王宅

家住千門側亭臨二水傍貴遊開北地一作宸眷幸西

鄉叟履迎中谷鳴絲出後堂浦疑觀萬象

一作物

峰似駐

三光草向瓊筵樂花承繡宸香聖情思舊重

一作里

留飲

賦雕章

奉和晦日幸昆明池應制

玉輶尋春賞金堤重晦遊川通黑水浸地派紫泉流晃  
朗扶桑出綿聯杞樹周烏疑填海處人似隔河秋劫盡  
灰猶識年移石故留汀洲歸棹晚簫鼓雜汾謳

奉和幸長安故城未央宮應制

鳳輦乘春陌龍山訪故臺北宮纔盡處南斗獨昭回肆覽飛宸札稱觴引御杯已觀蓬海變誰厭栢梁災代挹孫通禮朝稱賈誼才忝儕文雅地先後各時來

陪幸韋嗣立山莊應制

一作宋  
詩

樞旋調梅暇林園種槿初入朝榮劖履退食偶琴書地隱東巖室天迴北斗車旌門臨宵窻輦道屬扶疎雲罕明丹谷霜笳徹紫虛水疑投石處谿似釣璜餘帝澤頌卮酒人歡頌里間一承黃竹詠長奉白茆居

奉和幸望春宮送朔方軍大總管張仁亶

邊郊草具腓河塞有兵機上宰調梅寄元戎細柳威武  
貌東道出鷹隼北庭飛玉匣謀中野金輿下太微投醪  
銜餞酌緝袞事征衣勿謂公孫老行聞奏凱歸

奉和幸三會寺應制

睿德總無邊神臯擇勝緣二儀齊法駕三會禮香筵漢  
闕中黃近泰山太白連臺疑觀一作書鳥日池似刻鯨年  
滿月臨真境秋風入御弦小臣叨下列持管謬窺天

奉和幸大薦福寺

寺即中宗舊宅

象設隆新宇龍潛想舊居碧樓披玉額丹仗導金輿代日興光近周星掩曜初空歌清沛筑梵樂奏胡書帝造環三界天文賁六虛康哉孝理日崇德在真如

夏日都門送司馬員外逸客孫員外佺北征

時相

王為元帥魏大夫元忠為副

日逐滋南寇天威撫北垂折珪行仗節持印且分麾羽檄雙鳬去兵車駟馬馳虎旗懸氣色龍劒抱雄雌候月

期哉翦經時念別離坐聞關隴外無復引弓兒

元日恩賜柏葉應制

景龍四年

勁節凌冬勁芳心待歲芳能令人益壽非止麝含香

侍宴桃花園詠桃花應制

綺萼成蹊遍籞芳紅英撲地滿筵

一作庭

香莫將秋宴傳

王母來比春華奉

一作聖皇  
壽

奉和三日祓禊渭濱

上林花鳥暮春時上巳陪遊樂在茲此日欣逢臨渭賞

昔年空道濟汾詞

奉和幸韋嗣立山莊侍宴應制

曲榭迴廊繞澗幽飛泉噴下溢池流祇應感發明王夢  
遂得邊迎聖帝遊

侍宴安樂公主新宅應制

牽牛南渡象昭回學鳳樓成帝女來平旦鶼鷀歌舞席  
方宵鸚鵡獻酬杯

錢唐永昌


田郎才貌出咸京  
潘子文華向洛城  
願以深心留善政

當令強項謝

一作識

高名

御定全唐詩卷九十二



總校官庶吉士臣張能照  
校對官檢討臣龔大萬

謄錄貢生臣左顥若

謄錄監生臣周元

欽定四庫全書叢要

集部

御定全唐詩卷九十六

三至六

詳校官候補通政司經歷臣郭祚熾

欽定四庫全書薈要卷一萬七千四百九十八

御定全唐詩卷九十三

盧藏用

盧藏用字子潛幽州范陽人舉進士不調隱居終南長安中召授左拾遺中宗朝歷中書舍人黃門侍郎修文館學士以附太平公主流驩州詩八首

九日幸臨渭亭登高應制得開字

上月重陽滿中天萬乘來奠依佩裏發菊向酒邊開聖

澤煙雲動宸文象緯迴小臣無以答願奉億千杯

奉和九月九日登慈恩寺浮圖應制

化塔龍山起中天鳳輦迂綵旒牽畫刹雜珮冒香萸寶  
葉擎千座金英漬百盂秋雲飄聖藻霄一作睿極捧連珠

宋主簿鳴臯夢趙六子未及報而陳子云亡今

一無今字追為此詩荅宋兼貽平昔遊舊

暮川罕停波朝雲無留色故人琴與詩可存不可識識  
心尚可親琴詩非故人鳴臯初夢趙蜀國已悲陳感化

傷淪滅魂交惜未申冥期失幽報茲理復今晨前嗟成  
後泣已矣將何及舊感興新悲虛懷酬昔時趙侯鴻寶  
氣獨負青雲姿羣有含妙識衆象懸清機雄談盡物變  
精義解人頤在陰既獨善幽躍自為疑跼彼千里足傷  
哉一尉欺陳生富清理卓犖兼文史思縛巫山雲調逸  
岷江水鏗鏘哀忠義感激懷知己負劒登薊門孤遊入  
燕市浩歌去京國歸守西山趾幽居探元化立言見千  
祀埋沒經濟情良圖竟云已坐憶平生遊十載懷嵩丘

題書滿古壁採藥遍巖幽子微化金鼎僊笙不可求榮哉宋興陸名宦美中州存亡一睽阻歧路方悠悠自予事山海及茲人世改傳聞當世榮皆入古人名無復平原賦空餘鄰笛聲泣對西州使悲訪北邙塋新墳蔓宿草舊闕毀殘銘為君成此曲因言寄友生默語無窮事凋傷共此情

餞唐州高使君赴任

餞酒臨豐樹褰帷出魯陽蕙蘭春已晚桐柏路猶長祖

逃方城鎮安期外氏鄉從來二千石天子命唯良

錢許州宋司馬赴任

國為休徵選輿因仲舉題山川襄野隔朋酒灞亭暎零  
雨征軒鶩秋風別驥嘶驪歌一曲罷愁望正淒淒

奉和立春遊苑迎春應制

天遊龍輦駐城闈上苑遲光晚更新瑤臺半入黃山路  
玉檻傍臨玄霸津梅香欲待歌前落蘭氣先過酒上春  
幸預柏臺稱獻壽願陪千畝及農晨

奉和幸安樂公主山莊應制

皇女璣臺天漢尋星橋月宇構一作創山林飛蘿半拂銀

題影瀑布環流玉砌陰菊浦一作酒香隨鸚鵡泛簫樓韻

逐鳳凰吟瑤池駐蹕恩方久璧月無文一作雲興轉深

夜宴安樂公主宅

侯家主第一時新上席華年不惜春珠釭綴日一作月一作那

知夜玉筳流霞畏底一作極晨

岑羲

岑羲字伯華文本之孫第進士則天時為天官員外郎  
中宗朝同中書門下三品景雲初進侍中封南陽郡公  
坐豫太平公主謀伏誅詩六首

九月九日幸臨渭亭登高應制得渙字

重九開科歷千齡逢聖紀爰豫矚秦坰昇高臨灞涘玉  
醴浮仙菊瓊筵薦芳芷一聞帝舜歌歡娛良未已

奉和九月九日登慈恩寺浮屠應制

寶臺聳天外玉輦步雲端日麗重陽景風搖季月寒梵

堂遙集鴈帝樂近翔鸞願獻延齡酒長承湛露歡

餞唐州高使君

蒼茫南塞地明媚上春時目極傷千里懷君不自持  
征車別岐路斜日下崦嵫一歎韶軒阻悠悠即所思

奉和春日幸望春宮應制

和風助律應韶年清蹕乘高入望儂花笑鶯歌迎帝輦  
雲披日霽俯皇川南山近壓一作仙樓一作上北斗平

臨御辰一作魏闕前一奉恩榮同鑄宴一作歡空知率舞聽

薰弦

奉和幸安樂公主山莊應制

銀牋重樓出霧開金輿步輦向天來泉聲迴入吹簫曲  
山勢遙臨獻壽杯帝女含笑流飛電乾文動色象昭回  
誠願北極拱堯日微臣抃舞詠康哉

夜宴安樂公主新宅

金榜重樓開夜扉瓊筵愛客未言歸銜歡不覺銀河曙  
一作曉  
盡醉那知玉漏一作露  
稀

薛稷

薛稷字嗣通汾陰人道衡曾孫魏徵外甥也擢進士第景龍中昭文館學士睿宗立拜中書侍郎參知機務歷太子少保以翊贊功封晉國公工書畫詩十四首

儀坤廟樂章二首

陽靈配德陰魄昭升堯壇鳳下漢室龍興倪天作對前旒是凝化行南國道盛西陵造舟集灌無德而稱我粢既潔我醴既澄陰陰靈廟光靈若憑德馨惟饗孝思烝

蒸

乾道既亨坤元以貞肅雍攸在輔佐斯成外睦九族內  
光一庭克生叡哲祚我休明欽若徽範悠哉淑靈建茲  
清宮於彼上京縮茅以獻絜秬惟馨實受其福斯乎億  
齡

九日幸臨渭亭登高應制得厯字

暮節乘原野宣遊俯崖壁秋登華實滿氣嚴鷹隼擊仙  
菊含霜泛聖藻臨雲錫願陪九九辰長奉千千厯

慈恩寺九日應制

寶宮星宿劫香塔鬼神功王遊盛塵外睿覽出區中日  
宇開初景天詞掩大風微臣謝時菊薄采入芳叢

早春魚亭山

春氣一作色動百草紛榮時斷續白雲自高妙襄回空山

曲陽林花已紅寒澗苔未綠伊余息人事蕭寂無營欲

客行雖一作須云遠覩之聊自足

秋日還京陝西十里作

驅車

一作馬

越陝郊北顧臨大河隔河望鄉邑秋風水增

波西登咸陽途日暮憂思多傳巖既紓鬱首山亦嵯峨

操築無昔老採薇有遺歌客遊節回換人生知能

一作幾

何

杜甫云少保有古風得之陝郊篇謂此作也

奉和送金城公主適西蕃應制

天道寧殊俗慈仁

一作深恩

乃戢兵懷荒寄赤子忍愛鞠蒼

生月下瓊娥去星分寶婺行關山馬上曲相送不勝情

春日登樓野望

憑軒聊一望春色樂芬菲野外烟初合樓前花正飛嬌  
鶯弄新響斜日散餘暉誰忍孤遊客言念獨依依

餞許州宋司馬赴任

令弟與名兄高才振兩京別序聞鴻雁離章動鶴鵠遠  
朋馳翰墨勝地寫丹青風月相思夜勞望潁川星

奉和聖製春日幸望春宮應制

九春風景足林泉四面雲霞敞御筵花鏤黃山繡作苑  
草圖元灞錦為川飛觴競一作醉心迴日走馬爭先眼  
赴

著鞭喜奉仙遊歸路遠直言一作行樂不言旋

論

奉和幸安樂公主山莊應制

主家園圃

一作宇極新規帝郊遊豫奉天儀歡宴瑤臺

鎬京集賞賜銅山蜀道移曲閣交映金精板飛花亂下

珊瑚枝借問今朝八龍駕何如昔日望仙池

秋朝覽鏡

客心驚落木夜坐聽秋風朝日看容鬢生涯在鏡中

夜宴安樂公主新宅

秦樓宴喜月襄回妓筵銀燭滿庭開坐中香氣排花出  
扇後歌聲逐酒來

錢唐永昌

河洛風煙壯市朝送君飛冕去漸遙更思明年桃李月  
花紅柳綠宴浮橋

馬懷素

馬懷素字惟白潤州丹徒人擢進士第長安中為監察  
御史守正不阿開元初拜戶部侍郎昭文館學士卒謚

曰文詩十二首

九日幸臨渭亭登高應制得酒字

睿賞叶通三宸遊契重九蘭將葉布席菊用香浮酒落  
日下桑榆秋風歇楊柳幸齊東戶慶希薦南山壽

奉和九月九日登慈恩寺浮圖應制

季月啓重陽金輿陟寶坊御旗橫日道仙塔儼雲莊帝  
蹕千官從乾詞七曜光顧慙文墨職無以頌時康

奉和送金城公主適西蕃應制

帝子今何去

一作在

重姻適異方離情愴宸旣別路遼闊

梁望絕園中柳悲纏陌上桑空餘願黃鶴東顧憶迴翔

黃鶴見漢書西域傳公主歌云願為黃鶴兮歸故鄉

錢許州宋司馬赴任

頴川開郡邑角宿分躔野君非仲舉才誰是一作應題興

者憫憫琴上鶴蕭蕭路傍馬嚴程若可留別袂希再把

錢唐州高使君赴任

外牧資賢守斯人奉帝俞淮南膺建集渭北暫分符坐

歎煙波隔行嗟物候殊何年昇美課一作迴首一作看

政

一作北

城隅

奉和立春遊苑迎春應制

玄籥飛灰出洞房青郊迎氣肇青陽仙輿暫一作早下宜

春苑御醴行開薦壽觴映水輕苔猶隱綠緣堤弱柳未

一作相

舒黃唯有裁花飾簪鬢恒

一作

隨聖藻狎年光

奉和聖製春日幸望春宮應制

綵仗琖輿俯碧潯行春御氣發皇心搖風細柳榮馳道

映日輕花出禁林遍

一作通

野園亭開帝幕連堤草樹狎

衣簪謬參西掖露堯酒願沐南薰解舜琴

奉和人日讌大明宮恩賜綵縷人勝應制

一作正月

七日宴  
大明殿

日

一作萬

宇千門平旦開天容萬

一作辰

象列昭回三陽候

節金為勝百福迎祥玉作杯就暖風光偏著柳辭寒雪  
影半藏梅何幸得參詞賦職自憐終乏馬卿才

奉和幸安樂公主山莊應制

主家臺沼

一作館

勝平陽帝幸歡娛樂未央掩映碧窗交

極浦參差繡戶繞迴塘

泉聲百處傳歌

一作

曲樹影千

重對舞

一作舞對

行聖酒一霑何以報唯欣頌德奉時康

興慶池侍宴應制

積水逶迤繞直

一作貝

城含虛皎鏡有餘清

圖雲曲榭

一作

樹連緹幕映日中塘間綠旌賞洽猶聞簫管沸歡留更

睹木蘭輕無勞海上尋仙客即此

一作有

蓬萊在帝京

夜宴安樂公主宅

鳳樓宵寂凌三襲翠幌玲瓏瞰九衢複道中宵留宴衍  
彌令上客想踟蹰

餞唐永昌

聞君出宰洛陽隅賓友稱觴餞錢路衢別後相思在何處  
祇應關一作下望仙鳬

御定全唐詩卷九十三